


MEMORIA ANUAL 2020

Arraianas





ÍNDICE

Identificación da entidade	2
Actividades desenvolvidas e servizos prestados.....	3
Participantes das actividades ou servizos que presta a entidade.....	8
Medios persoais da entidade.....	8
Medios materiais e recursos Da entidade.....	9
Retribucións da xunta directiva.....	10
Organización dos distintos servizos NOS que se diversifica a actividade da entidade.....	10
Sinatura da Xunta Directiva	10



IDENTIFICACIÓN DA ENTIDADE

FICHA DE IDENTIFICACIÓN

RÉXIME XURÍDICO	Lei Orgánica 1/2002, do 22 de marzo, reguladora do Dereito de Asociación.
REXISTRO DE ASOCIACIÓN	Rexistro Central de Asociacións da Xunta de Galicia, Consellería de Presidencia, Administracións Públicas e Xustiza.
Nº DE INSCRICIÓN	2008/12168-1
DATA DE INSCRICIÓN	26 de agosto de 2008
NIF	G-70179189

FINS DE ARRAIANAS

- Velar pola defensa dos dereitos configurados na Declaración Universal dos Dereitos Humanos, traballando pola súa aplicación práctica para tódalas persoas.
- Promoción da integración, inclusión social e defensa de tódolos dereitos das persoas en risco ou situación de exclusión social. Prestarase especial atención ás persoas migrantes, refuxiadas e apátridas.
- Promoción dunha perspectiva de xénero. Prestarase atención á plena inclusión das mulleres vítimas de violencia de xénero, en contexto de prostitución, vítimas de trata de seres humanos e/ou tortura.
- Proporcionar apoio ás familias ao longo de todo o seu ciclo vital, especialmente ás monomarentais. Poñerase especial énfase na atención á infancia, terceira idade e persoas que viven en soidade ou illamento, favorecendo a comunicación e a cooperación intragrupo e intergrupo.
- Promoción e protección medioambiental e do eido rural, buscando de xeito especial incidir en posturas de consumo respectuoso co mesmo que favorezan o desenvolvemento sostible e comunitario.
- Contribuír á construción de sociedades interculturais e diversas que faciliten a convivencia e os procesos de inclusión, garantindo a igualdade de oportunidades, de trato e non discriminación de tódalas persoas que forman parte da sociedade. Procurarase a erradicación dos delitos de odio dirixidos a persoas especialmente vulnerables.
- Promoción da participación, transformación e activación social, a nivel asociativo e individual, de toda a poboación xeral, especialmente das persoas en risco de exclusión social.

- Promover o desenvolvemento e ser axentes de cambio naquelas zonas xeográficas que por estaren afastadas, os colectivos en risco que alí residen non dispoñen dos recursos precisos para lograr unha igualdade de oportunidades. Procurarase contribuír á desaparición da fenda dixital.
- Adopción de posturas públicas de denuncia ante situacións de violación dos dereitos humanos, de violencia, de inxustiza social, efectos do cambio climático, etc. e ante calquera posible factor xerador de movementos humanos forzosos.
- Promoción da saúde colectiva e individual das persoas. Concibindo esta dende un enfoque integral. Facilitando o acceso a recursos de coidado e saúde mental, especialmente cando se trate de colectivos que, polas súas características, teñan dificultade de acceso ó mesmo. Neste senso, achegar recursos e traballar co obxectivo de promocionar relacións socio-afectivas sans.
- Fomentar a ampliación e creación de redes que faciliten e propicien o estudo e investigación das realidades sociais, así como o traballo coordinado entre as diferentes entidades públicas e privadas.
- Fomentar a formación e a sensibilización de toda a poboación, potenciando o voluntariado nas diferentes áreas de traballo da asociación.

NÚMERO DE SOCIAS E SOCIOS

Ao longo do ano 2020 acadouse o apoio de 66 persoas asociadas (persoas físicas) e ningunha persoa xurídica.

ACTIVIDADES DESENVOLVIDAS E SERVIZOS PRESTADOS

RELACIÓN, CARACTERÍSTICAS E DESCRICIÓN DE CADA ACTIVIDADE E SERVIZO

MIGRANDI. PROGRAMA DE ASESORAMENTO TÉCNICO ESPECIALIZADO EN MATERIA DE ESTRANXEIRÍA.

O programa Migrandi está orientado ao asesoramento xurídico en materia de estranxeiría. A prestación deste servizo garda relación con múltiples especialidades do dereito (civil, laboral, penal ou administrativo), polo que implica a integración de diferentes perspectivas.

Partindo desta base, as principais accións a desenvolver no programa Migrandi son:

- Asesoramento e apoio nos trámites precisos para as autorizacións e renovacións de residencia.
- Homologacións de títulos.

- Reagrupamentos familiares.
- Nacionalidade e demais cuestións relacionadas coa nacionalidade.
- Do mesmo xeito, o programa tamén contempla a prestación doutros servizos como:
- Asesoramento e acompañamento ante procedementos sancionadores.
- Seguimento das solicitudes de Protección Internacional, en aumento nos últimos anos. Esta necesidade implica un seguimento especializado e en coordinación coa Área Psicolóxica da entidade. A través deste traballo conxunto, prestarase un apoio psicoxurídico a aquelas solicitudes de protección internacional que o precisen. Este apoio xorde das especiais vulneracións dereitos e dificultades que soportan as persoas solicitantes nos seus países de orixe.
- O programa Migrandi ten como obxectivo acadar a inclusión e a consecución de dereitos das persoas migrantes. Está cofinanciado pola Consellería de Política Social da Xunta de Galicia e pola Unión Europea no marco do Programa Operativo FSE Galicia 2014-2020 (O FSE inviste no teu futuro) co obxectivo de promover a igualdade, a saúde e a inclusión social.

AYNI. PROGRAMA DE INCLUSIÓN E TRANSICIÓN AO EMPREGO PARA PERSOAS MIGRANTES.

O programa Ayni está dirixido a facilitar a inclusión social e laboral activa, a participación social e o desenvolvemento de habilidades e coñecementos que permitan ás persoas migrantes desenvolverse na sociedade de acollida, así como a mellora do seu nivel de empregabilidade. Para a consecución deste obxectivo desenvólvese un proxecto artellado en torno a unha serie de accións grupais e individuais que se complementan con outros recursos do sistema galego de servizos sociais existentes no ámbito territorial de acción.

Este programa conta cun alto grao de especificidade no apoio integral proporcionado ás persoas migrantes en situación de vulnerabilidade, incluíndo aqueles casos nos que a solicitude de protección internacional foi denegada, así como ás persoas solicitantes de protección internacional ou con concesión de estatuto de protección (refuxiadas, protección subsidiaria ou permiso temporal por razóns humanitarias).

Resulta importante na intervención con persoas destes colectivos un apoio desde os ámbitos social, psicolóxico e xurídico, polas características especiais do seu proceso migratorio e pola súa situación xurídica. Este tipo de intervención adoita ser a base na que se sustenta a consecución de dereitos, o fortalecemento persoal, e a inclusión social e laboral.

Ademais, a entidade leva acabo unha serie de accións de asesoramento e apoio técnico especializado no eido xurídico, formativo e de ocio. As persoas participantes do programa Ayni poderán acceder complementariamente a estas actividades.

O programa Ayni ten como obxectivo mellorar a calidade de vida das persoas migrantes. Está cofinanciado pola Consellería de Política Social da Xunta de Galicia e pola Unión Europea no marco do Programa Operativo FSE Galicia 2014-2020 (O FSE inviste no teu futuro) co obxectivo de promover a igualdade, a saúde e a inclusión social.

NOSOUTRAS. PROGRAMA DE INCLUSIÓN E TRANSICIÓN AO EMPREGO PARA PERSOAS EN RISCO DE EXCLUSIÓN.

O programa NosOutras está dirixido a facilitar a inclusión social e laboral activa, a participación activa, e o desenvolvemento de habilidades e coñecementos que permitan ás persoas en risco de exclusión social desenvolverse na sociedade e mellorar o seu nivel de empregabilidade.

Para a consecución deste obxectivo, desenvólvese un programa artellado en torno a unha serie de accións grupais e individuais que se complementan con outros recursos do sistema galego de servizos sociais existente no ámbito territorial de acción.

As accións dentro deste programa están vinculadas á realización de itinerarios personalizados de inserción de cara a mellora do nivel de empregabilidade de persoas en risco de exclusión. Ademais, a entidade leva acabo unha serie de accións de asesoramento e apoio técnico especializado no eido xurídico, formativo e de ocio. As persoas participantes do programa NosOutras poderán acceder complementariamente a estas actividades.

O programa NosOutras ten como obxectivo mellorar a calidade de vida das persoas en risco de exclusión social. Está cofinanciado pola Consellería de Política Social da Xunta de Galicia e pola Unión Europea no marco do Programa Operativo FSE Galicia 2014-2020 (O FSE inviste no teu futuro) co obxectivo de promover a igualdade, a saúde e a inclusión social.

A TRIBO. PROGRAMA DE APOIO Á CONCILIACIÓN NO MARCO DO SERVIZO DE INCLUSIÓN SOCIAL E LABORAL.

O programa A Tribo está dirixido a facilitar a conciliación para aquelas persoas participantes doutros programas de inclusión e inserción social e laboral ofertados por Arraianas, como por exemplo NosOutras ou Ayni, encamiñados a mellorar o nivel de empregabilidade de persoas migrantes e persoas en risco de exclusión social.



Pretendemos a creación dun espazo que permita ás familias, especialmente ás monomarentais, acceder ao mercado laboral e formativo, reducindo de forma significativa o risco de exclusión e favorecendo o acceso a recursos.

A acción a desenvolver neste programa está principalmente orientada ás crianzas, e estrutúrase a partires de diferentes recunchos, como por exemplo zonas de aprendizaxe musical, científica e medioambiental, de lectura ou de ábaco.

Queremos crear un lugar que favoreza a igualdade de acceso ás oportunidades de toda a infancia e que permita xerar e crear coñecementos e aprendizaxes significativas importantes de cara ao desenvolvemento integral.

No caso de menores con algunha dificultade nos procesos de aprendizaxe das linguas, pretendemos unha mellora partindo dunha metodoloxía activa.

Ademais, a entidade leva a cabo outras actividades ás que poden acceder as crianzas de forma complementaria, e en función das súas necesidades, como son a Aula de reforzo socioeducativo para menores e as Etapas do Camiño de Santiago.

O programa A Tribo ten como obxectivo acadar a igualdade de oportunidades para a infancia e as súas familias. Está cofinanciado pola Consellería de Política Social da Xunta de Galicia e pola Unión Europea no marco do Programa Operativo FSE Galicia 2014-2020 (O FSE inviste no teu futuro) co obxectivo de promover a igualdade, a saúde e a inclusión social.

CUSTO E FINANCIAMENTO DE ACTIVIDADES

ACTIVIDADE	CUSTO	FINANCIAMENTO		
		PÚBLICO	RECURSOS PROPIOS	COTAS PARTICIPANTES
MIGRANDI	5.979,67€	☒	☐	☐
AYNI	9.845,31€	☒	☐	☐
NOSOUTRAS	10.104,17€	☒	☐	☐
A TRIBO	4.937,53€	☒	☐	☐

RESULTADOS OBTIDOS COA REALIZACIÓN DAS ACTIVIDADES E/OU SERVIZOS

MIGRANDI. PROGRAMA DE ASESORAMENTO TÉCNICO ESPECIALIZADO EN MATERIA DE ESTRANXEIRÍA.

DURACIÓN	PROFESIONAIS	HORAS	PERSOAS ATENDIDAS			
			MULLERES	HOMES	OUTRAS	TOTAL
15/10/2020 - 30/11/2020	1	230	18	10	1	29

AYNI E NOSOUTRAS. PROGRAMAS DE TRANSICIÓN AO EMPREGO.

DURACIÓN	PROFESIONAIS	HORAS	PERSOAS ATENDIDAS			
			MULLERES	HOMES	OUTRAS	TOTAL
15/10/2020 - 31/12/2020	2	798	20	12	1	33
% ITINERARIOS INICIADOS: 39.39%			% INSERCIÓNS LABORAIS: 7.7%			

A TRIBO. PROGRAMA DE CONCILIACIÓN.

DURACIÓN	PROFESIONAIS	HORAS	PERSOAS ATENDIDAS			
			MULLERES	HOMES	OUTRAS	TOTAL
15/10/2020 - 31/12/2020	4	289	3	4	-	7
7 FAMILIAS ATENDIDAS, 6 DELAS MONOMARENTAIS.						

GRAO OU NIVEL DE CUMPRIMENTO DOS FINS ESTATUTARIOS

No desenvolvemento dos programas levados a cabo pola entidade, atopamos un achegamento aos fins e así como ao seu cumprimento.

Dunha banda, no perfil das persoas participantes destaca a participación de persoas migrantes nos programas da entidade, atopándose na súa maioría en risco ou situación de exclusión social. Concretamente, fíxose unha aproximación á realidade das familias monomarentais a través dos programas de inclusión sociolaboral e do programa de conciliación, promovéndose así a perspectiva de xénero.

Doutra banda, en canto á promoción da participación, á activación da poboación e ao traballo en rede, a entidade conseguiu establecer relación coas Administracións Públicas do Concello de Santiago de Compostela, especialmente con Servizos Sociais e con entidades do sector a través de derivacións para a participación nos programas de Arraianas.



En conclusión, dende a perspectiva do cumprimento dos fins estatutarios houbo unha axeitada aproximación por parte da entidade aos mesmos.

PARTICIPANTES DAS ACTIVIDADES OU SERVIZOS QUE PRESTA A ENTIDADE

PARTICIPANTES POR PROGRAMA

PROGRAMA	Nº PARTICIPANTES
MIGRANDI	29
AYNI	15
NOSOUTRAS	15
A TRIBO	6
TOTAL PARTICIPANTES	39

CLASE E GRAO DE ATENCIÓN QUE RECIBEN AS PERSOAS PARTICIPANTES

Atención integral a persoas en situación de exclusión social.

REQUISITOS ESIXIDOS PARA OSTENTAR A CONDICIÓN DE PARTICIPANTE

- Persoas en exclusión social (acreditado cun informe de exclusión social emitido por unha traballador/a social colexiado/a).
- Estar empadroada/o nalgún dos concellos de actuación (comarca de Santiago de Compostela e concellos limítrofes).

MEDIOS PERSOAIS DA ENTIDADE

PERSOAL ASALARIADO FIXO

NÚMERO MEDIO	TIPO DE CONTRATO	CATEGORÍA PROFESIONAL
0	-	-

PERSOAL ASALARIADO NON FIXO

NÚMERO MEDIO	TIPO DE CONTRATO	CATEGORÍA PROFESIONAL
3	Obra ou servizo determinado	Grupo 1

PROFESIONAIS CON CONTRATO DE ARRENDAMENTO DE SERVIZOS

NÚMERO	CARACTERÍSTICAS DO SERVIZO	ENTIDADE
0	-	-

VOLUNTARIADO

NÚMERO	ACTIVIDADES NAS QUE PARTICIPAN
0	-

MEDIOS MATERIAIS E RECURSOS DA ENTIDADE

CENTROS OU ESTABLECEMENTOS DA ENTIDADE

1 LOCAL DE OFICINAS E AULAS NOS QUE SE DESENVOLVEN OS PROGRAMAS DA ASOCIACIÓN	
TITULARIDADE	Arrendamento
LOCALIZACIÓN	Rúa do Hórreo 23, 3º, 15701 Santiago de Compostela (actualmente en Rúa do Pexigo de Arriba 32, baixo-local)
EQUIPAMENTO	Mobiliario e seis equipos informáticos

RECURSOS DOS QUE DISPÓN A ENTIDADE

REFERENCIA	DESCRICIÓN	IMPORTE
72000000	Cotas de asociadas e asociados	1.090,00€

SUBVENCIONS PÚBLICAS: IMPORTE, ORIXE E APLICACIÓN

IMPORTE	ORIXE	APLICACIÓN
28.984,01€	Xunta de Galicia	Proxectos de iniciativa social



RETRIBUCIÓN DA XUNTA DIRECTIVA

NO DESEMPEÑO DAS SÚAS FUNCIÓNS

IMPORTE	ORIXE
0 €	-

POR FUNCIÓNS DISTINTAS ÁS EXERCIDAS COMO MEMBRO DA XUNTA DIRECTIVA

POSTO DE TRABALLO	SALARIO ANUAL BRUTO
Avogado	4.564,57 €
Psicóloga	4.564,57 €
Educadora social	4.564,57 €

ORGANIZACIÓN DOS DISTINTOS SERVIZOS NOS QUE SE DIVERSIFICA A ACTIVIDADE DA ENTIDADE

SERVIZO/ACTIVIDADE	PROGRAMA
Transición ao emprego	Ayni e NosOutras
Conciliación	A Tribo
Asesoramento xurídico en materia de estranxeiría	Migrandi

SINATURA DA XUNTA DIRECTIVA

NOME E APELIDOS	CARGO	SINATURA
Tanit Pura Vázquez Estévez	Presidenta	
Pilar Fernández Fernández	Secretaria	
Gonzalo Sáez Martinsanz	Tesoureiro	
Tania Tumbeiro López	Vogal	



Asociación Arraianas

CIF G70179189

Rúa Pexigo de Arriba 32 baixo
15703 Santiago de Compostela
A Coruña

981 936 034 . 623 004 843

arraianas@arraianas.org . www.arraianas.org